

ՆԵՐՔԻՆ ՏԵՍՈՒԹԻՒՆ

ԱՍՍԻԱՅ ՔՐՈՆԻԿ

Սոյլը Ռուսաստանում—Գիւղական խնդիրները—Ազնականների պետական բանկը
Անդրկովկասում—Հացի առևտուրը և արտահանման արգելիքը—Հայկական թատրոնը

Սոյլը Ռուսաստանում չարունակում է մտքերը զբաղեցնել. Համա-
ձայն պաշտօնական հաղորդագրութեան՝ վատ հունձից ամենից շատ վնաս-
ւել են Վոլգա գետի ստորին և միջին ընթացքի ճահանգները, կենտրո-
նական-արևմտագործական ճահանգները և մասամբ Ուրալ գետին կից ճա-
հանգները։ Այդ բոլոր ճահանգներում եղած հունձից դուրս հարկաւոր է
ղեռ մօտ 100 միլիոն պուդ հաց։ Ամփսքութեան մնացած ճահանգներում
հունձը բաւարար էր կամ աւելի քան բաւարար։ Վնասւած ճահանգների
թիւը, որ անցեալ անգամ 18 էի ցոյց տւել, այժմ, որպէս լալտնւում է՝
22 է։ Բայց ռուսաց մի քանի լուրջ թերթերի մէջ կարդում ենք որ հացի
պակասը հասնում է մինչ 250 միլիոն պուդի։ Առ այժմ ի հարկէ ճիշտ
ցոյց տալ անհնարին է։

Հացի շտեմարանների խնդիրը, գիւղական վարկի հաստատութիւն-
ների խնդիրը, վաշխառուների գէմն առնելու միջոցները—այս բոլորը նոր
նորից առաջ են գալիս և զբաղեցնում մամուլը, կառավարութիւնը։ Պե-
տերբուրգի Вольно-экономическое Общество (ազատ-տնտեսագիտական ըն-
կերութիւնը) զրադւեց խնդրով, առանց մի որ և է ինքնուրույն և նոր մի-
ջոց առաջարկելու խնդիրը լուծելու համար։

Իւր հոկտեմբերի համարում ռուսաց ամսագիրը „Русская Мысль“
տպեց պ. Միրոպոլսկու ճամակը խմբագրութեան՝ ժողովուրդը հաշիւ ապա-
հովելու մասին։ Թէ ալդ որքան մեծ խնդիր է Ռուսաստանի համար, ալդ
կ'երեալ հենց ալն առաջարկից, որ անում է պ. Միրոպոլսկին։ Վերջինս
առաջարկում է գիւղացիների զրամով վճարուող հարկը փոխարինել հացով
վճարելի հարկով։ Ա. անա թէ, նորա կարծիքով, ինչպէս ալդ պէտք է կա-
տարւի. հացը (ցորենով, հաճարով և այլն) կը հաւաքի տեղական ինքնավա-

րութիւնը (զեմստօ), և ալն էլ ոչ ամբողջապէս, որովհետեւ հացի մի մասը կարելի կը լինի պարտքով աւելցուցիւններին ցանքսերի համար վատ հունձերի տարիներում, Գորանով պ. Միրոպոլսկին կարծում է թէ առաջին, կ'ազատի գլուղացիներին վաշխառուներից, մասնաւոր փոխառութիւններից, և երկրորդ, հասարակաց շտեմարանները սով տարիները լիքը կը լինեն. միևնոյն ժամանակ իբր թէ գիւղացիների համար հարկ չի լինիլ ժամանակ և փող կորցնել բաղարները գնալ՝ հացը ծախելու համար:

Եւ այստեղ առաջ բերեցի պ. Միրոպոլսկու առաջարկը ոչ սորա մանրամասն քննադատութեան մէջը մտնելու համար, որովհետեւ զորանից մեր երկիրը դրականապէս ոչ մի օգուտ քաղել չի կարող: Եւ ինչու. որովհետեւ պ. Միրոպոլսկու սխտեմը, որ ես առանց ալն էլ միանգամայն անգործնական եմ համարում, հիմնած է կառավարութեան և ինքնավարութեան (զեմստօլի) փոխադարձ աջակցութեան վերալ. բայց մինչդեռ Ռուսաստանում կալ նահանգական ինքնավարութիւն, զետատօ կոչւած, մեզանում, Լոկկասում նահանգական և գաւառական ինքնավարութիւն ամենևին չը կալ, որի մասին գանգատելով խօսել ենք «Մուրճ»-ի ալս տարւալ առաջին համարի առաջնորդողում:

Բայց և այնպէս խնդիրը ինքն ըստ ինքեան կարևորութիւն ունի նաև մեղանում, որովհետեւ սով մեղանում պատահեց 1879 թականին. և վերջապէս հասարակաց կարծիքը արթնանում է միայն ալն ժամանակ, երբ հունձի փչանալը ընդհանուր է մի երկրում. միայն ալդ ժամանակ մենք խօսում ենք ւովի և թանկութեան մասին. բայց ուրքան և ուրքան անգամ հունձերը փչանում են երկրի ալս կամ ալն տեղում, — դորա մասին հարցնող չը կտա: Այս վերջին դէպքում, ճիշդ է, ոչ սով է լինում և ոչ թանկութիւն, բայց հարկւաւոր և հազարաւոր ընտանիքներ մնում են առանց ցանքսի և ուտելու պաշարի: Այդ դէպքում կարօտեալները ստիպւած են լինում զիմել գիւղական հարուստներին, փող ունեցողներին. իսկ սոցանիշատերն էլ հէնց ալդպիսի դէպքերի են սպասում, որ իրանց զիմեն պարտքով փող ուղկու և տալիս են փող գիւղացու համար ծանր պայմաններով ու մեծ տոկոսներով:

Սովի, թանկութեան և առհասարակ հունձերի թէ ընդհանուր և թէ մասնաւոր կորուստների հետևանքների դէմն առնելու համար նոր չէ որ առաջարկւում են հացի հասարակաց շտեմարաններ, գիւղական բանկեր, գիւղական արդիւնաբերութեան հասարակաց պահեստներ, Գոքա միևնոյն ժամանակ ընդհանուր միջոցներ են գիւղական արդիւնաբեր դասակարգի դրութիւնը բարելաւելու համար. գոքա միջոցներ են, որոնցով գիւղացին կարող է աւելի օգտւել իւր արդիւնաբերութիւնից, քան եթէ նա զուրկ մնալ իրան օգնող ալդ հաստատութիւններից: Նոքա դրական հարստու-

թիւն չեն աւելացնում, զորտեղով հոււմ արդիւնք չի աւելանում, բայց աւելանում է գիւղացու զոււա արդիւնքը: Եթէ առաջ գիւղացին իւր գիւղութեւ 300 պուղ ցորենից ստանում էր օգուտ միայն 50 ռուբլի, չնորհիւ նրան օգնող այն հաստատութիւնները՝ նա կարող է ստանալ 60—70—80—100 ռուբլի զուտ օգուտ:

Արդ, մեր երկրում, Անդրկովկասում այդ հաստատութիւններից ոչ մէկը չը կալ. հացի հասարակաց շտեմարաններ գոնէ մեծ չափսերով չը կան բոլորովին. գիւղական բանկ գոյութիւն չունի ոչ մի տեղ մեր երկրում. գիւղական արդիւնաբերութեան հասարակաց պահեստներ, ալսինքն այն ինչ ռուսաց օրէնսդրութեան մէջ լատինի է ТОВАРНЫЕ СЕЛАЗЫ անուանով— նոյնպէս բնաւ գոյութիւն չունին մեր երկրում:

Եւ բաւական չէ որ նոքա գոյութիւն չունին, մեր երկրի աղգարնակութեանը լատինի էլ չէ օրէնսդրութիւնը նոցա մասին. ժողովուրդը այդ կողմից կատարեալ խաւարի մէջ է:

Եւսկ կանոնադրութիւն գիւղական-պետական բանկերի 1885 թականից, կալ և կանոնադրութիւն ապրանքների պահեստների, նոյնպէս պետական կադմակերպութեամբ, բարձրագոյն հաստատուած 30 մարտի 1888 թականին:

Այդ գործերում գործնական չառաջդիմութիւն անել անհնարին է առանց զործող օրէնսդրութիւնը ճանաչելու: Եւ անշուշտ հասարակութեանը ծանօթացնել նորա հետ մամուլի պարտքն է: Մեր գաւառական ինտելիգենցիան այդ խնդիրները իւր սեպհականը պէտք է համարի, որովհետև առանց զորան՝ մամուլը չի կարող կապել ժողովրդական ամբոխների հետ: Բայց ժողովրդական կարևոր շահեր են կապուած այն հաստատութիւնների հետ որ ես վերը փշատակեցի: Գիւղական բանկեր, գիւղական արդիւնաբերութեան պահեստներ—դոքա մի մի կարևոր և անհրաժեշտ հաստատութիւններ են, որանցով ժողովրդական շատ խոշոր չարիքների դէմն է առնուում: Այս անգամ ես բաւականանում եմ միայն չոչափելով այդ խնդիրները. նոցա ուսումնասիրութիւնը ենթադրում է կատարեալ ծանօթութիւն գոյութիւն ունեցող օրէնսդրութեան հետ, որ աւելի լարմար է կատարել ամսագրի այս բաժնից դուրս: «Մուրճ»-ը ուրեմն կը վերադառնալ այդ խնդիրներին:

Մինչև որ մեր երկրում կը բացւեն գիւղական բանկեր որոնց մասին քրոնիկի առաջին լօղաձում վիշեց, հողագործ գիւղացի դասակարգի համար, կառավարութիւնը շտապում է աժան վարկը առաջարկել դեռ ևս միայն ագնական դասակարգին: Անդրկովկասում մինչ ալժմ գոյութիւն ունէին մէկը Թիֆլիսի Նահանգի և միւսը Գուրթալի Նահանգի աղնականների հողալին բանկերը (ոչ պետական), իսկ անցեալ

1890 թւականից բացւած է Թիֆլիսում ազնւականների պետական բանկի ճիւղը։ Արդ, ներկայ նոյնմբերին ֆինանսական մինիստրի կարգադրութեան համեմատ՝ ազնւականների պետական բանկի Թիֆլիսի ճիւղը իրաւունք է ձեռք բերում իւր գործողութիւնները տարածել նաև Նրեանեան Նահանգի վերայ։ Ովքեր պէտք է կարողանան զորանից օգտուել—միմիայն տոնմական ազնւականները, բէգեր, աղալարներ, մեխքներ, և ոչ հողագործ դասակարգը առհասարակ։ Բայց նոյն իսկ հողատէր դասակարգը զորանից օգտուել չը պիտի կարողանայ ամբողջապէս, որովհետև թէև իրապէս մի ալգպիսի հողատէր դասակարգ կայ Նրեանեան Նահանգում, բայց ալդ դասակարգի տոնմական ազնւականութիւնը մինչ ալժամ հաստատուած չէ ռուսաց կառավարութիւնից։ Նրկուսից մէկը՝ կամ ազնւական պետական բանկի բացումը պէտք է փութացնէ Նրեանեան Նահանգի, որպէս և միւս թրքահայ Նահանգների մեծ կալւածատէրերի տոնմական ազնւականութեան մէջ հաստատելը, և կամ ֆինանսական մինիստրի Նոր կարգադրութիւնը պիտի մնայ գրեթէ առանց օգուտի Նրեանեան Նահանգի կալւածատէր դասակարգի համար։

Նեթագրենք անգամ որ ալդ խնդիրը լուծւեց լօգուտ նոցա ազնւականութեան, բայց մեր երկրի կալւածատէր դասակարգը մինչ ալժամ չի ապացուցել թէ մի մեծ ֆակտոր լինի մեր երկրի լաւաշղիմութեան. դեռ աւելի պակաս քան Վրաստանում, մեր թրքահայ Նահանգների կալւածատէրները, ալդ խաները, բէգերը, աղալարները որոնք բաղմաթիւ են, զուրկ են պատմական ամուր և լաւաշղեմ աւանդութիւններից և մեզանում ոչինչ չի գլուխ եկել նոցա միջոցով։ Եւ թէև հողատէրներ են, նոքա, բայց ոչ հողագործ հողատէրեր. նոքա իրանց հողերից միայն մի տեսակ հարկ ստացողներ են, տասանորդով կամ ալլապէս։ Արդ, ինչ օգուտներ պիտի կարողանայ տալ ազնւական պետական բանկը ալդ դասակարգին—ես իսկապէս չը գիտեմ։ Պէտք է ենթադրել որ նա կ'օգուտի փող ճարելու հնչտութիւնից աւելի շուալլութիւնների համար, քան թէ որ և է բարենորոգումներ մտցնելու իրանց կալւածներում։ Պարտքերի մէջ ընկնել ու խրել, և ապա տէրութիւնից ոգորմութիւն խնդրել՝ հաւանականօրէն ալդ կ'ըլինի բոլոր հետեանքը։

Ռուսաստանի մի մեծ մասին հասած աղէտը թելադրեց կառավարութեանը՝ արգելել հացահատիկների արտահանումը կալսերութեան սահմաններից։ Առաջ ալդ կարգադրութիւնը արեւց միայն հաճարի համար, որը Ռուսաստանում գործածւող ամենասովորական հացն է։ Մի երկու ամիս լետոյ, անցեալ հոկտեմբերին, արտահանման արգելքը տարածեց նաև ուրիշ տեսակի հացահատիկները և նոցանից ստացւող ալիւրի վերալ,

բացի ցորենից. մի քանի ժամանակ լետոյ ճակ ցորենի արտահանումը արգելեց:

Այդ կարգադրութիւնները սակայն միայն եւրոպական Ռուսաստանին չեն վերաբերում. Նոքա մեծապէս վերաբերում են ճակ Անգլիոյ(կասին, որտեղից, մեր երկրի համեստ չափսերի համեմատ՝ բաւականի մեծ քանակութեամբ իացահատիկ է արտահանում. ի բաց առած ճակը՝ մեր երկիրը ոչինչ չի արտադրում ահագին քանակութեամբ, ալսինքն ալսպիսի քանակութեամբ, որ իամալսարալին Նշանակութիւն ունենալ, Մեր երկրի արդիւնաբերութիւններից միայն ճակն է և Նորանից ստացուող կերոսինը որ իամալսարալին Նշանակութիւն ունին. մնացած բոլոր արդիւնաբերութիւնները գլխաւորապէս տեղական Նշանակութիւն ունին, Նոյն իսկ Նոքա, որոնք արտահանում են. Բամբակը, որ ալսքան մեծ հարստութիւն ենք համարում մեր՝ երկրի մանաւանդ Սրնանի ճահանգի համար, և որը ամենամեծ մասով արտահանում է Ռուսաստան—չնչին բան է համեմատած Ամերիկալում մշակուող և Ամերիկալից արտահանող բամբակի քանակութեան հետ: Բոլորովին Նոյն կարելի է ասել Նոյն իսկ գինու մասին և ալս, Թող ընթերցողը Նորից ալսքի անցնէ իմ անցեալ քրոնիկում առաջ բերած Թերը, որոնք ցուց ևն տալիս Թէ ինչ ապրանքներ ինչ քանակութեամբ տեղափոխել է Անգլիոյ(կասեան երկաթուղին անցեալ 1890 թւականին, և կը համողի ինձ հետ, որ մի երկրի համար մի արդիւնքի արտահանութեան Նշանակութիւնը Նրանով չի չափուում Թէ ճա ինչ տեղ է բռնում իամալսարալին առևտրի, իամալսարալին չուկալի մէջ. Եւ որ գլխաւորն է՝ արտահանութեան ազատութեան Նշանակութիւնը միայն Նրանով չի չափուում, Թէ որքան է արտահանում, ալ ճակ Նրանով, Թէ ալս Թէն փոքր արտահանութիւնը ինչպէս է ազդում տեղական գների վերալ: Օրինակ՝ մեր հողագործը կարողանում է իւր բամբակը 4—5—6 բուրլով ծախել Նոյն իսկ մեր տեղացի դործարանատէրին, երբ ազատութիւն կալ արտահանելու կողկասից և ծախելու հեռաւոր վաճառանոցներում 8—9—10 բուրլով. բալց երբ ալս ազատութիւնը չը կալ՝ ճա ստիպւած կը լինի Նոյն բամբակի պուղը ծախել մեր երկրացուն 1—2—3 բուրլով կամ աւելի պակասով, եթէ միայն ապրանքի քանակութեան համեմատ դնողներ չը կան. Գիւղացին վերջապէս ստիպւած կը լինի Թողնել բամբակի մշակութիւնը մեծ չափսերով, երբ կը տեսնի որ օգուտ չի ստանում:

Նոյն, և բոլորովին Նոյն գիտողութիւնները կարելի է անել իացահատիկի մշակութեան և առուտուրի մասին. Մինչև 1884 թւականի վերջերը մեր երկրի դիցուք ցորենի գները ալսքան ստոր էին, որ գիւղացին մեծ ճալ չէր կարող ունենալ ցորենից. ինչ օգուտ կարող էր մնալ գիւղացուն, երբ սա ստիպւած էր, երկրի հին գների համաձալն՝ իւր ցորենի պուղը ծախել 20—30 կոպէկով: Եւ երևակալեցէք որ Անգլիոյ(կասի մի

խոշոր մասը հենց միայն հացահատիկ՝ ցորեն, գարի, եղիպտոցորեն է արտադրում:

Պալմանները փոխւեցին, երբ Անդրկովկասեան երկաթուղին բացւեց և միջոց տրւեց համեմատապէս էժան դնով տեղական հացահատիկը ոչ միայն մեր երկրում ծախել, այլ և օտար երկրներում ծախել, ուր գները մեր նախկին գներից շատ աւելի բարձր են: 1884 թւականի վերջերքում սկսւեց Վովկասիան հացահատիկների արտահանումը Փոթիի և Բաթումի նաւահանգիստների միջով: Գները իսկույն բարձրացան. ալն, որ առաջ 20—30—40—50 կոպէկով էր ծախւում, ստացաւ 60—80—90—100 կոպէկի գին նոյն իսկ մեր երկրում, որովհետև նոյն ալը հացահատիկը կարողանում էին արտասահմանում ծախել 1 ռ., 1 ռ. 10, 1 ռ. 20, 1 ռ. 30 կոպէկով կամ աւելի: Ազդպիսով մի չեղափոխութիւն կատարւեց հացահատիկների գների մէջ, և կատարւեց ալը միանգամից, և ոչ թէ սասնեակ տարիների ընթացքում:

Բնական է, որ ալը չեղափոխութեան ուղղի սարիններում, երբ մեր երկրում անցեալ տարիներից կար հացահատիկ հաւաքւած, նաև հացահատիկների արտահանութիւնը շատ միլիոնների էր հասնում, և բնական է որ երբ անցեալ տարիներից մնացած պաշարը սպառւէր—մեր երկրից հացահատիկ արտահանել կարելի էր միայն ալը դէպքում, երբ բարձրացած գները ազդէին մեր հողագործութեան վերալ և գլուղայիք, խրախուսւած լինելով, սկսէին իրանց հողագործութիւնը աւելի ընդարձակել, որտեղ ալը միայն կարելի էր:

Իւր ժամանակին, 1886 թւականին, մեր աչքի առաջը կատարւող իրերի ալը նշանաւոր փոփոխութիւնը ընդհանուր ուշադրութիւն դրաւեց, և նորան ուսումնասիրողը պնդում էր, որ, ի մեծ օգուտ մեր հողագործ դասակարգի, մեր երկրի հացահատիկների գները չեն ընկնելու մինչ նախկին գների աստիճանը, եթէ նոյն իսկ արտահանութիւնը նւազի կամ դադարի անգամ չաջորդ տարիներում. ազդպիսով մեր գիւղացիք ալսուհետև աւելի մեծ շահ են ունենալու հողագործութիւնից, որի արգիւնքը մեր քաղաքների և այլ բնակիչներին առաջ չեն տրուում կամ մնասով էր ծախւում: Երկրորդ, նա անկարելի էր համարում, որ բարձրացած գները չաղղեն մեր երկրի հողագործութեան ծաւալի վերալ, ալնպէս որ, նորա ասելով, շատ հողեր որ մինչ 1884 թւականը չէին մշակւում, ալժմ կամացկամաց կ'սկսեն մշակւել, ալնպէս որ հաւանականօրէն, եթէ մինչ ալժմ, ոտոր գների ժամանակ, մեզ համար բաւարար չափով հացահատիկ էր մշակւում, ալսուհետև խոս Անդրկովկասը կ'աշխատի մեզ համար բաւական քանակութիւնից աւելի հացահատիկ արտադրել, ուրեմն աշխատել ոչ միայն երկրի բնակիչների կարիքների չափ, այլ դորանից աւելի՝ արտահանութեան համար:

Ալը հալեացքների գէմ խօսողներ եղան Գիւղատնտեսական ըն-

ախարհէնց ալզ հանգամանքից մեծապէս օգտուում են հացահատիկ մշակող գիւղացիները:

Ինչ մի քանի բաներ են առարկում. ալսպէս, օրինակ, «Մշակ»-ը սխալում է, թէ մեր երկրից հացահատիկ չը պէտք է արտահանել ե ուր չը պէտք է ուրախանալ, երբ մեր երկրում հացահատիկների գինը բարձրանում է. իբր ալ բարձր գներից օգտուողները՝ միայն ցորենի վաճառականներն ու վաշխառուներն են, ե ուր իբր դորանից գիւղացին ոչ մի օգուտ չունի: Դէ ուրիմն վաճառականների ձեռքից գիւղացուն աղատ պահելու համար՝ քարոզենք որ գիւղացին ոչինչ չարդիւնաբերէ, բացի ալն, ինչ իւր ուտելու համար՝ բաւական է! Այ թէ ինչ բանի համար է ասւած՝ ВОЛКОВЪ БОЯТЬСЯ—ВЪ ЛѢСѢ НЕ ХОДИТЬ. Կը տեսնեմ որ վաճականները աւելի են օգտուում, քան հարկաւոր է՝ ես միջոցներ կ'առաջարկեմ, որոնցով գիւղացին հնարաւորութիւն կը ստանալ քաղաքների և կամ համաշխարհային շուկայի գներից աւելի լաւ օգտուել. ես կ'առաջարկեմ հաստատել մեր երկրում ապրանքների պահեստներ. համաձայն 1888 թւականի աւած կանոնադրութեան, կամ դեռ ուրիշ միջոցներ, և ոչ թէ կը սկսեմ պահանջել որ հողագործոթեան արդիւնքների գները վաւր ընկնեն, իբր վաճառականների, կապալառուների, վաշխառուների ջիգրու! Սո կը կուսեմ վերջիններիս դէմ ոչ թէ տուժել տալով գիւղացուն, ալ աւելորդ միջնորդների աւելորդ դա, ձեւելով ալս կամ ալն միջոցով:

Բաց ի հարկէ. ի դուր է կարծել թէ իրօք՝ ալժմ բարձրացած գներից միայն վաճառականն է օգտուում. Եթէ առաջ մի արդիւնքի պուղը արժէր 35 կոպէկ, շատ կարելի է որ վաճառականը աշխատէր գիւղացուց առնել 20—25 կոպէկով, որպէս զի քաղաքում ծախելով՝ 10—15 կոպէկ իրան մնար. երբ ալժմ նոյն արդիւնքի պուղը արժէ 80 կոպէկ, շատ հաւանական է որ նոյն վաճառականը, 10—15 և թէկուղ 20 կոպէկ աշխատելու համար՝ աշխատէ գիւղացուց պուղը առնել 60—65—70 կոպէկով: Ուրեմն ալն դէպքում գիւղացու ձեռքը կ'ընկնէր 20—25 կոպէկ, ալս գէպքում՝ 60—65—70 կոպէկ: Թէ չէ պէտք է ենթադրել որ գիւղացիները կատարելապէս անբան արարածներ են և կամ ոտով գլխով կաշկանդւած են՝ աչքերը բաց անել չը կարողանալու չափ:

Մեր հողագործների դրութիւնը առաջ անփոփոխեան դրութիւն էր. Քարոզել թէ լաւ է վերադառնալ ալն դրութեանը—կը նշանակի ցանկանալ ճանկահաստաւի շատ տեղերի դրութիւնը: Ահա թէ մի արտասահմանեան հալ թերթի թղթակից ինչպէս է սկսում իւր նկարագրութիւնը լեքաստիալի նահանգի:

«Գիւղացուին ստացւածներ մշակութեան արտադրութիւնք, կենդանիներ ու հողեր ըլլալով՝ քիչ անգամ պատրաստ հնչիւն դրամ կ'ուենեալ: Թէ և կալի մէջ իւր արտադրութեան մեծ մասը կը սպառի կամ կը փճանալ, սակալն և ալնպէս քիչ շատ համբարած ցորենով ալ կա-

րելի է իւր վիճակ բարիլաւէր, եթէ տեղապէս հանգամանքներն, ճանապարհի եւ հաղորդակցութեան միջոցներն արտածման (արտահանութեան) նպաստէին. և այս խանգարած ու դժարութեանց մատնւած ըլլալով, ի քաղաք ցորեն խիստ ստորին գնով կը վաճառէին, և վաշխառու վաճառականաց ձեռքն անցնելով, նոքա կ'ընեն պէտք եղած վաստակը, և երկրագործն կը զրկուի կամ ոչնչով վարձատրւելով՝ ձեռնունալն կը գտնուի, և լաճախ մեծաքանակ հարկերու վճարման առջև անկարող կը մնալ:

Բաց ճիշդ հէնց այդ դրութիւնն էր մեղանում մինչ 1885 թականը. դէպի ուր մեղ քարոզում են վերադառնալ, և զեռ ալժամ էլ շատ տեղեր, օր. Զանգեզուր և այլ տեղերում այդ դրութիւնն է իշխում:

Առարկում են նաև թէ հացի արտահանումից, ուրեմն և արտահանման ազատութիւնից կարող է սով պատահել երկրում, Անհիմն երկիրներ: Մենք սով ունէինք մեր երկրում 1879 թականին, երբ հաց չէր արտահանւում. և մենք կարող ենք նման դժբաղդութիւնների հանդիպել ապագայում: Անմիտ բան է պահանջել որ հողագործները 15—20—25 տարի ոչինչ չաշխատեն, թէ ինչ է մի տարի կարող են հունձները շատ վատ լինել: Նախ որ եթէ նոքա ոչինչ չաշխատեն—հողագործութիւնն էլ կը պակսի. և ուրեմն վտանգն էլ աւելի կ'աճի. իսկ երկրորդ, և այդ է զխաւորը, մի երկրում, ուր արդէն երկաթուղիներ են բանում, և հիշտ հաղորդակցութեան միջոցներ կան հացաբեր երկիրների հետ,—հացը երբէք չի կարող շատ թանկանալ: Ռուսաստանի բաղմաթիւ նահանգներում ալժամ սով կալ,—բայց ոչ մեծ թանկութիւն. գիւղացիք փող չունին հաց գնելու, ահա սարսափելին, և ոչ թէ հացն է շատ թանկ: Միլիոնաւոր գիւղացիք առանց միջոցի են ցորեն կամ հաճար գնելու թէկուզ ոչ թանկ դնելով, որ ցանեն և մինչ նոր հունձները կերակրեն,—ահա թէ ինչումն է խնդիրը:

Ինչ է հարկաւոր անել այդպիսի դէպքում: Աղէտը մեծ է, միջոցներն էլ պէտք է մեծ լինեն, անսովոր լինեն: Երբ մի աղէտ ալդքան լաւածաւալ է և արդէն պետական ընդհանուր շահերին է դիպչում—մասնաւոր բարեբարութիւններն էլ չնչին նշանակութիւն կարող են ունենալ և ոչ իսկ հասարակաց շտեմարանները կարող են բաւել: Այստեղ պէտք է տէրութիւնը ինքը միջամտի: Հարկաւոր է 100 միլիոն պուղ հացահատիկ հասցնել կարօտեալ նահանգներին. ամենախելացին հէնց այն կը լինի որ տէրութիւնը դիցուք 100 միլիոն ռուբլու փոխառութիւն անի, այդ փողով կուրսաւին գների համաձայն 100 միլիոն պուղ ցորեն առնի թէ տէրութեան սահմաններում, ուր հունձը լաւ է եղել և կամ արտասահմանի հարևան երկիրներում, և այդ քանակութիւնը բաժանի կարօտեալ նահանգների մէջ. թէ ցանքսի համար և թէ կերակրելու համար: Եւ որտեղից լիտ ստանալ պարտքը վճարելու համար՝ 100 միլիոն գումարը իւր տոկոսներով? Լարելի էր կարծել թէ այդ պարտքը պէտք է վճարեն միայն այն դժբաղդացած նահանգները, որոնք օգնութիւն են

սաադել, Բալց ոչ. դա դուռն է չափազանց ծանր լինելը նոցա համար, Աւելի լաւ է որ ամբողջ կալսերութիւնը մասնակցի աղ պարտքի վճարելուն. ալն 100 միլիոն ռուբլին լետ կը վճարւի մասամբ վիճակախաղերի արդիւնքով, մասամբ ժողովարարութիւններով, իսկ մնացածը պետական նոր, բալց չատուկ աղ պարտքը վճարելու համար նշանակւած, հարկերով, որ կարող են տեսել մի քանի չտարի. Ալուպիսով աղէտի դէմ առնելուն աջակցած կը լինի ամբողջ պետութիւնը, վտանգւած նահանգները ազատւած կը լինեն, և հարկ էլ չէր լինիլ նոյն իսկ հաղահատիկների առևտուրը խանգարել, և դորանով միլիոնաւոր ուրիշ հողագործների չահերին զիպչել, նոցա տնտեսական հաշիւները խառնել: Մի ալնպիսի երկրի համար, որպիսին Բուսաստանն է, ուր զիւղացիները հաց են մշակում արտահանութեան համար, հացահատիկների գները միանգամից իջեցնելը — մի ամենամալրահող միջոց է, և րեակալեցէք զրութիւնը ալն միւս մի քանի տասնեակ միլիոն զիւղացիների, որոնք իրանց չոսերը կապել էին հացի առետրի մի որոշ գրութեան հետ, և չանկարծ, մի անգամից աղքատը գործին մի ալ ուղղութիւն է տրւում և գները իջնում: Որը աւելի լաւ է՝ դժբախտացած նահանգներից դուրս ուրիշ մի քանի տասնեակ նահանգներ իրարանցումի մէջ զցել և նոցա արդար չահերին վնասել, թէ ալնպէս անել, որ գիւղացիների ալգ ապրանքը սովորական գնով առնւին, միալն թէ դորանից առաջացած մի երկու տասնեակ միլիոն ռուբլու պարտքը վճարելուն մասնակցել տալ ընդհանրութիւնը:

Նոյն կերպ կարելի է վարել, եթէ մեր երկրի հունձերին նման դժբաղդութիւն պատահի. ալնպիսի դէպքում, եթէ աղէտը չատ ընդհանուր է, պետութիւնը ինքը պէտք է հաց գնել տալ (որ չատ հնչտ է), բաժանէ տեղացիների մէջ և միմա՞դ դրամը լետ ստանալ ոչ միալն օգնութիւն ստացած ժողովրդից, ալ ընդհանրութիւնից:

Հալկական թատրոնը շարունակում է ընդհանրապէս բաւարար մուտք տալ. բալց արդէն պատահում է նաև կիսով չափ դատարկ առդիտորիա: Ուրիշ-Ակոստան, որ երկուշաբթի օրն էր տրւած՝ անբաւարար մուտք տւեց. Բանդած Սջախը, որ տրւեց մի ալնպիսի օր, երբ Թիֆլիսի ալ և ալ տեղերում հետաքրքրաշարժ ներկալացումներ կալին (ուսաց խմբի տ. Կազի-Նալի բենիֆիսը, Ատոմատ օպերետի ներկալացումը, նոր ցիրկի բացումը), նմանապէս անբաւարար մուտք տւեց, Մնացածները՝ Օրւալ չարիք Պոտէ-իլինի, Հրէուհի (հեղինակ?), Արչակ II Գալֆալեանի, Պարոն դը Պուրսո-նեակ Մոլիէրի — բաւարար կամ լիքը մուտք տւին:

Նորանոր ներկալացումները և պիեսները լրացնում են մեր զիտողութիւնները խմբի դերակատարների վերալ. տիկին Սիրանուշ արդէն քիչ-ւած է. բալց նա, քանի գնում, ալնքան աւելի ամրացնում է ալս հա-

լեացքը, որ չաճին նորա մեծք ունենք ոչ միայն մի ընդհանրապէս շնորհալի դերասանուհի, այլ և լուրջ ու տաղանդաւոր դերասանուհի. և եթէ նորա Թիֆլիս գալը՝ Թիֆլիսում մնալ դառնալ, և այս նոր քաղաքը, նոր հասարակութիւնը և Պոլսի կեանքից ջոկ աշխարհը նորա համար նոր ուսումնասիրութեան և ինքնաքննադատութեան ճանապարհ բաց անէ—հաւանօրէն նա ապադաւում նաև փալտն անուն կը ստեղծի հալ թատրոնի պատմութեան մէջ:

Տիկին Սիրանուշից դուրս, խմբի մէջ սկսում է իւր վերալ աւելի ու աւելի ուշք դարձնել պ. Աբէլեանը, որը ափսոսանքով սկսեց իւր դերիւտը կամեկիազարդի մէջ: Աւելի ևս մեծ հաճութով ես ուզում եմ արձանագրել այստեղ նորա չաջողութիւնը: Անցեալ քրոնիկում արդէն առիթ ունեցաւ նկատել նորա խաղը Նեւեփինի «Ներկորդ երիտասարդութեան» մէջ, Նգոր Պարուսովի բեղոնեօրական դերում. ալժմ դորա վերալ կ'աւելացնեմ նորա խաղը Օրւալ չարիքի մէջ՝ Խլապոնին հօր դերում, Հրէուհու մէջ՝ հրէալ ոչկերիչ Նղիաղարի դժարին դերում, Արշակ II ի նման անշնորք պիւսի մէջ հալոց նախարար Դրաստամատի դերում: Այդ (բաց միայն ալդ) դերերում պ. Աբէլեանի խաղը չաջող էր, իսկ երբեմն նա կարողանում էր հասարակութեան ուշադրութիւնը իւր հետ տանել: Այդ արդէն լաւ նշաններ են մի երիտասարդ դերասանի համար:

Ջարմանալի կերպով փոխել է օր. Վարդուհին: Այդ փոփոխութիւնը կատարւում է մեր աչքի առջեւ. ալ տարիներ գրեթէ միշտ դեր փոխանողից՝ ներկալ խմբում նա դառել է իւր դերերը չաջողութեամբ և պատուով տանող դերասանուհի. նա աննման էր Բանդաժ օջախում՝ Օսէփի հօրաքոր պառաւ Խախօի դերում. հետաքրքրական էր (թէև ոչ ճշգրիտ տիպիքական) պառաւ Խլապոնինալի դերում Օրւան չարիքի մէջ. մանաւանդ պառաւների դերերում որքանով որ ալդ դերերը բեղոնեօրական են,— չաջողութիւն է գտնում: Եթէ ներկալ խումբը ում և է իւր անդամներից իսկական ծառայութիւն է մատուցել—ալդ՝ օր. Վարդուհուն է:

Պր. Թուրեան, լուրջ կոմիկ է, և, ինչպէս տեղեկացնում է պ. Վրուլի նոր լուս տեսած բրոշիւրը, երեսուն տարի է որ ծառայում է հալկական բեմին, մեծ մասամբ Տաճկաստանում: Պր. Թուրեան լիսուն տարեկանը անցած դերասան է. նորա հումորը մասամբ կորցրած է թարմութիւնը. տարիքի ծանրութիւնը զգացնել է տալիս ձալնի և վիշողութեան վերալ, բաց ծիծաղը սրտանց է, կոմիզմը զուրեկան ու բնական: Ափսոսալ պէտք է, որ լուրջ կոմիկ լինելով՝ լուրջ չկուլա անցած չէ, և նորա խաղը չի հիմնած լուրջ ուսումնասիրութեան վերալ. շատ հեշտութեամբ հակում է դէպի զաւեշտականը ալտեղ, ուր միայն լուրջ կոմիզմը պէտք է երևան գալ:

Այս անգամին թող ալքաւոր բաւական համարւի: Անշուշտ դեռ առիթներ կ'ունենամ խմբի միւս դերակատարների մասին խօսելու և լիշւածների մասին նոր տողեր աւելցնելու:

Յետ գրութեան. Ամսիս 28-ին արեւց նորեգացի Բեօրնսէնի «Սնան-կութիւն» զրաման, որը և խոր տպաւորութիւն թողից հանգիսականների վերաւ: Մէջ ու մէջ արեւած ալդալիսի պիեսներ հալկական բեմի Նշանակութիւնը միայն բարձրացնել կարող են, մանաւանդ ալնքան բարեխիղճ դերակատարութեամբ, ինչպիսին խումբը ցոյց տւեց ալդ երեկոյ: Դա իսկապէս խմբական խաղ էր, որից աւելի լաջողը մենք չէինք ունեցած տը սեղոնում:

ԼՈՒՍԻՆԻ